

Ny Baiboly ho an'ny ankizy
dia manolotra

Ny Niandohan'ny
fahorian'ny
olombelona



Nosoratan'i: Edward Hughes

Sarin'i: Byron Unger; Lazarus

Nampifanarahin'i: M. Maillot; Tammy S.

Nadikan'i: Fikambanana "Ndao mba hiaraka aminay" na
association "Allons ensemble" FJKM Nazareta Amborovy
Mahajanga Madagascar

Novokarin'i: Bible for Children
www.M1914.org

©2013 Bible for Children, Inc.

Azo atao ny fandikana na fakana ity tantara ity
nefa tsy ho amin'ny fitadiavam-bola.



ANDRIAMANITRA NO
NAMORONA NY ZAVATRA
REHETRA! Namorona ny lehilahy
voalohany ANDRIAMANITRA,
Adama no
niantsoany azy.




I Adama dia niara-niaina
tamin'ny vadiny antsoina hoe Eva
tao amin'ny saha Edena. Sambatra
ery izy ireo niaina tao, nankato
sy nankasitraka ny fiarahana

tamin' ANDRIAMANITRA.
Saingy indray andro ...





Nisy menarana
iray nanatona
nila resaka tamin'i
Eva ka nanontany
azy hoe: "Hay ve ka
noraran' ANDRIAMA
NITRA tsy hihinana
ny voankazo rehetra
ato amin'ny saha
ianareo e?"



"Afaka mihinana ny voankazo rehetra ato izahay, afa-tsy iroa hazo fihinamboia iroa ihany!" hoy Eva. "Raha mihinana na mikasika io hazo io izahay dia ho faty". "Mandainga **ANDRIAMANITRA**, tsy ho faty izany ianareo" hoy ny menarana nihomehy.





"Tsy tiany hitovy
Aminy fotsiny
ianareo." Efa ela i
Eva no nitsiriritra
mafy sy te-hihinana ny
voan' io hazo fihinamboia io.
Tsy naharitra ny fakam-
panahy izy noho izany
ka nino izay nolazain'ny
menarana. Dia naka sy
nihinana ny voan'ilay hazo.



Ny tena loza dia tsy izy irery
ihany no nihinana ilay voankazo
fa nomeny koa i Adama, ary
dia nihinana niaraka taminy.



Eny fa na dia tokony hiteny aza i Adama hoe, "Tsia, tsy handika ny tenin'ANDRIAMANITRA aho."





Rehefa

avy nandika ny

lalàn'Andrimanitra i Adama sy Eva dia nahatsiaro tena ho niboridana ka menatra. Naka ravinkazo izy ireo noho izany mba hataony fitafiana, ary dia nandeha niafina an'ANDRIAMANITRA izy ireo.



Rehefa
harivariva iny ny andro,
dia nitsangatsangana
tao anaty saha
ANDRIAMANITRA.
Efa fantany ny fahotana
nataon'i Adama
sy Eva. Rehefa
nanontaniana izy
roa dia
nifanilika.



Adama nanome tsiny an'i
Eva ary Eva nanome tsiny
ny menarana. Voasazy izy
ireo noho izany. Ka hoy
ANDRIAMANITRA:
"Voaozona amin'ny biby
rehetra ianao ry menarana.
Ary ianao ry Eva, dia hijaly
tokoa indrindra
rehefa miteraka."




"Adama! satria efa nanota
tamiko ianao, dia ho voazona
miaraka aminao ny tany ka
haniry tsilo sy hery ho anao
izy. Ary ny hatsembohan'ny
tavanao no hihinananao."



Ary
ANDRIAMANITRA
nandroaka an'i
Adama sy Eva
hiala ny saha
Edena.






Satria nanota
sy tsy nankato izy
ireo ka dia tafasaraka
tamin'ANDRIAMANITRA!



Dia namboatra sabatra
milelafo Andiamanitra mba
hiambina an'i Adama
sy Eva any
ivelan'ny
saha
Edena.





Namboatra fitafiana
vita tamin'ny hodi-biby
ho azy roa ihany koa
ANDRIAMANITRA.



Niteraka i Adama sy Eva taty aoriana. Ny zanany lahy voalohany izay nantsoina hoe Kaina, dia mpiasa tany. Ny faharoa kosa, i Abela, dia mpiandry ondry.



Indray andro, nanao fanatitra ho
an'ANDRIAMANITRA izy roalahy. Raha nanolotra
vokatry ny taniny maromaro i Kaina, i Abela kosa
nanolotra zanak'ondry, izay tsara
sy matavy indrindra tao am-balany.



Nahafaly an'ANDRIAMANITRA
ny fanatitra nataon'i Abela.



Tsy nankasitrahan' ANDRIAMANITRA
ny fanomezana natolotr'i Kaina. Tezitra
mafy i Kaina noho izany. Ka hoy
ANDRIAMANITRA taminy: "Raha
nanao ny tsara ianao, dia tsy
ho nekeko va ?"



Tsy nety nitony ny fahatezeran'i
Kaina. Fotoana vitsy taty aoriana,
rehefa tafaraka tany an-tsaha
izy roalahy dia novonoiny
i Abela, ka maty.



Ary ANDRIAMANITRA niantso
an'i Kaina, ka nanontany azy: "Aiza
moa Abela rahalahinao?" "Tsy
hitako izy" hoy i Kaina nandainga.
"Izaho angaha mpiambina azy."




Tezitra ANDRIAMANITRA ka nosaziany i Kaina. Tsy navelany hiasa sy hamboly teo amin'ny tany intsony i Kaina ka lasa mpirenirenny.



Dia nandao an'ANDRIAMANITRA i
Kaina. Taty aoriana dia nanambady
ny zanakavavin'i Adama sy Eva izy.
Nihamaro ny taranany.



Ary vetivety monja feno ny
zafikely sy ny zafiafin'i Kaina
ny tanàna izay naoriny.



Nandritra izany fotoana izany dia nitombo
be ihany koa ny taranak'i Adama sy Eva.

Tamin'izany andro izany dia tena ela velona
tokoa ny olona fa tsy toy ny amin'izao
vanin'andro misy antsika izao.



Rehefa niteraka ny zanany lahy
antsoina hoe Seta i Eva dia hoy izy:
"ANDRIAMANITRA dia nanolotra
ahy an'i Seta ho solon'i Abela."



I Seta dia lehilahy tena nino sy nankato
an'ANDRIAMANITRA. Niaina 912
taona izy ary nanana taranaka maro.



Niharatsy fanahy hatrany hatrany ny
olombelona tety ambonin'ny tany.
Nony farany dia nanapa-kevitra
ANDRIAMANITRA fa
handringana
azy sy ...



... ny biby ary koa ny voromanidina rehetra.
Nanenina ANDRIAMANITRA
raha namorona ny olona.



Saingy nisy lehilahy iray
nankasitrahan' ANDRIAMANITRA ...




Noa no anaran'izany
lehilahy izany. Taranak'i
Seta izy io.



Izy dia lehilahy marina sy tsy nanan-tsiny
teo anatrehan' ANDRIAMANITRA. Nankato
hatrany an' ANDRIAMANITRA izy.



Nampianariny ny zanany telolahy izany fankatoavana an' ANDRIAMANITRA izany. Ankehitriny àry ANDRIAMANITRA dia nanomana iraka manokana ho an'i Noa.



Ny Niandohan'ny fahorian'ny olombelona
Tantaran'ny Tenin'Andriamanitra, ny Baiboly,
Tao amin'ny bokin'ny

Genesisy 3 - 6

"Ny fanambaràn'ny teninao dia manazava."
Salamo 119:130



Tapitra



Ny tantara ao amin'ny Baiboly dia miresaka amintsika ny amin'Ilay Andriamanitsika mahafinaritra, Izay namorona antsika ary maniry ny hahafantarantsika Azy.

Fantatr'Andriamanitra fa manao zava-dratsy foana isika, izany no antsoiny hoe "fahotana". Fahafatesana no sazy ho antsika noho ny otantsika, saingy tian'Andriamanitra tokoa isika ka nomeny Jesosy Zanany ho faty teo amin'ny hazo fijaliana, mba ho voasazy noho ny helontsika. Avy eo nitsangana tamin'ny maty Jesosy, ary niakatra any an-danitra! Raha mino an'i Jesosy ianao, ary mangataka Aminy mba hamelàny ny helokao, dia havelany tokoa izany! Honina ao aminao Izy, ary ianao honina miaraka Aminy mandrakizay.

Raha te-hibebaka hiala amin'ny fahotanao ianao,
dia izao no afaka lazainao amin'Andriamanitra:

Ry Andriamanitra ô, mino aho fa maty ho ahy Jesosy, ary velona Izy ankehitriny. Miangavy Anao aho, Tompo ô, midira ao amin'ny fiainako, ary mamelà ny heloko, mba hahazoako fiainan-baovao, ary ho avy ny andro handehanako eny Aminao ho mandrakizay. Ampio aho ho velona ao aminao, tahaka ny Zanakao. Amena.

Vakio ny Baiboly ary miresaha amin'Andriamanitra isan'andro!
Jaona 3.16

